

Վարչական տույժ նշանակելու մասին

«17» դեկտեմբերի 2020թ

ք. Սիսիան

ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանի (անձնագիր՝ AP0391111, ք.երևան, Արաբկիր, Օրբելի 51/26) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

«ԱՐ ՏՈՐԱԿՈ» ՓԲԸ-ի անվամբ 06.06.2020 թվականին թիվ 05100022/060620/0010556 տարանցման հայտարարագրով ՀՀ ներմուծված 4,480 կգ բրուտտո քաշով ապրանքի համար սահմանված ժամկետում «ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանը մաքսային մարմիններին **ապրանքների** և տրանսպորտային միջոցների վերաբերյալ **մաքսային հայտարարագիր չի ներկայացրել**:

10.10.2020 թվականին ՀՄՎ ՄԳ բաժնի գլխավոր մաքսային տեսուչի կողմից թիվ 05100022/060620/0010556 տարանցման հայտարարագրով ՀՀ ներմուծված 4,480 կգ բրուտտո քաշով ապրանքը և դրա հետ կապված փաստաթղթերը արգելապահվել են:

Նշված փաստերի առթիվ ՀՀ ՊԵԿ ՀՄՎ ավագ մաքսային տեսուչ-իրավաբանի կողմից 22.10.2020 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 194-րդ հոդվածի հատկանիշներով, այն է՝ սահմանված ժամկետում մաքսային մարմիններին **ապրանքների** և տրանսպորտային միջոցների վերաբերյալ մաքսային հայտարարագիր **չներկայացնելը**, ինչպես նաև՝ մաքսային հսկողություն իրականացնելու համար **ապրանքների** և տրանսպորտային միջոցների վերաբերյալ անհրաժեշտ փաստաթղթերը **չներկայացնելը**՝ անկախ գրավոր հայտարարագիրը ներկայացնելը:

«ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանը պատշաճ ծանուցվել է գործի քննության անցկացման վայրի և ժամանակի մասին, սակայն չի ներկայացել հրավիրված քննությանը:

Ի պատասխան 22.10.2020 թվականին կազմված մաքսային կանոնների խախտման վերաբերյալ արձանագրության Գարիկ Հենրիխի Աթայանը էլեկտրոնային եղանակով

ուղարկել է առարկություն համաձայն որի հայտարարագիրը ուշացնելու պատճառը եղել է ՀՀ-ում և Արցախի Հանրապետությունում հայտարարված ռազմական դրությունը և պատերազմական իրավիճակը, որը համարվում է անհաղթահարելի ուժ, հետևաբար իրենից անկախ հանգամանքներում չի կարողացել իրականացնել իր վրա դրված պարտավորությունը:

Առարկության մեջ հղում է կատարվել «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետին, համաձայն որի վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը: Ելնելով վերոգրյալից խնդրել է վարույթը կարճել հաշվի առնելով իր մեղքի բացկայությունը:

Վարչական մարմնի կողմից պահանջվել է ներկայացնել ՀՀ մաքսային օրենսգրքի 194-րդ հոդվածով նախատեսված իրավախախտման կատարման /պարտավորությունների չկատարման/ և պատերազմական գործողությունների միջև առկա պատճառահետևանքային կապը հաստատող փաստական հանգամանքները:

Ի պատասխան վերոնշյալի ներկայացվել է նույնաբովանդակ առարկություն, որպես պարտավորության չկատարման հիմք նշվել է պատերազմը:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: «Վարչական իրավախախտումների վերաբերյալ» ՀՀ օրենսգրքի 35-րդ հոդվածի համաձայն.

Մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է **յուրաքանչյուր իրավախախտման համար առանձին-առանձին:**

Վերոնշյալ առարկությունը չի կարող հիմք ընդունվել, քանի որ չեն ներկայացվել այնպիսի փաստական հանգամանքներ, որոնց առկայությունն անհնարին կդարձնեին Գարիկ Հենրիխի Աթայանի կողմից իր պարտավորությունների կատարումը:

Վարչական վարույթի նյութերի ուսումնասիրությունից պարզվում է, որ Գարիկ Հենրիխի Աթայանը՝ «ԱՐ ՏՈՒՎԿՈ» ՓԲԸ-ի անվամբ լրացված թիվ 05100022/060620/0010556 տարանցման հայտարարագիր հիմք ընդունելով՝ սահմանված ժամկետում մաքսային մարմիններին **ապրանքների** և տրանսպորտային միջոցների վերաբերյալ **մաքսային հայտարարագիր չի ներկայացրել**, որով թույլ է տվել ՀՀ Մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ, 35-րդ ու 234-րդ հոդվածներով,

Ո Ր Ո Շ Ե Ց Ի


1. Գարիկ Հենրիխի Աթայանին ՀՀ մաքսային օրենսգրքի 194-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **50 000 ՀՀ դրամ**:

2. Որոշման մասին հայտնել Գարիկ Հենրիխի Աթայանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 50000 ՀՀ դրամ, նշել 30 կող:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐՉՈՅԱՆ